

مجموعه فنون

از

جمعیت علمیه عثمانیه

الکتابخانه

نومرو ۲۰

شعبان

استانبول

جمعیت علمیه عثمانیه مطبعه سنده طبع اولنمیشدر

۱۲۸۰

مخاندن ایری باز چدر چیقار یلوب حیر مذکور اینجه طبقاتدن عبارت اولدیغندن دیکنه وضع اولوب اوزرینه صود و کلور و بودخی طبقات ارازینه نفوذ ایلیوب و صغود قدده طوکوب طبقات مذکوره بی بریزدن تفریق ایدر و انکله ده بعضی طاش او جا قارنده بو اصول استعمال اولور بالاده ذکر اولسان هوا و صو جمیلرینک کیفیات و احوالندن معلوم و منقهم اولدیغی اوزره جسمین مذکورینک علم ژئولوژیده و بحث ایلیدیکی حادثات و آثار حکیمه ارضیه ده اهمیتی درکار و صویک معدنیات اوزرینه تأثیرات ترکیبه و تحلیل سی کلی و دائمی ایدوکی اشکار اولوب بونار علم ژئولوژی کابیزده بعضی مرتبه تفصیل قلنه جغندن شمیدیک بوقدرله اکتفا قلندی.

(ادهم)

(ناظر معارف و نافعده)

(سویش جدولی)

کچنلرده حسب السیاحه مصر طرفنه و قوعبولان عزیمت عاجزانه مده برقاچ سنه دنبرو حفریله اشتغال اولسان سویش جدولنی یا شدن باشه سیر و تماشا ایتمیش اولدیغندن اشبو خطب جسمیه دائر مشهودات و تحقیقات واقعه مک بروجه اجمال تحریر و یساننه ابتدار اولور.

جدول مذکور کسادینک متوقف اولدیغی مصارفات و تکلفاته و حسن حصولی تقدیرجه متصور اولان فوائد عظیمه یه نظرأ

شوماده زمانه من ك اعظم تشبثاتی اریله رقی كال اهمیت در کار در چونکه
خفی اولدیغی و جهله بحر محیط هندی ایله اوروپا بپسند طوغریدن
طوغری یه امدشدایدن سفائن قرق بش عرض جنوبیسنده
واقع امیدرونندن طولاشقی لازم کلوب بودخی التی بیک میل
مسافه دن متجاوز اریله رقی بش التی ماء و بلکه دهها زیاده مدته
انواع مخاطرات و تکلفات ایله قطع اولمقده اولدیغی حالده جدول
مذکور کشاد اولدیغی تقدیرجه مسافه مذکور نصفه تنزل
ایده جکی مثلاً او بونده اوقدر مخاطرات دخی اولیه جنی اشکار
بولمشدر.

جدول مذکور ك اولوجهله در کار اولان فوائد عظیمه سنه مبنی
شو کیفیت ازمنه قدیمه دنبرو ملوك مصریه ك و خطه مذکوریه
استیلا ایدن اجنبی حکمدارانك اقصای امالی اولوب زیاده تفصیل
اوله جنی و جهله سیر و ستریس واسکندر و قیصر روم و عمرو
بن العاص و سلاطین عثمانیه دن سلطان مصطفی ثالث و ناپولون
و محمد علی پونی تصور ایدوب مشارالیه دن بعضی دخی قوه دن
فعله اخراجنه موفق اولمشیدی.

بوندن یدی سکن سنه مقدم فرانسه لی موسیو فردیناند لیسپسك تحت
ریاستنده شکل ایتمش اولان برقومایه اشبوجدولك برخط مستقیم
ارزره کشادخی در عمده ایدرك درت بش سنه دنبرو حفینه
ماشرت اولمشدر.

اشبوجدولك براوجی بحر سفیده دمیاطك جانب شرقیسنده
پور سعید یعنی سعیدیه لیمانی نسیمه اولمش اولان بر محله و دیگر اوجی
سویس لیمانده اولوب امتدادی یوزالی بش کیلومتر یعنی تقریباً قرق

ساعت اوله جقدر. مرور ایده جکی محارهمان سطح دریاه
مساوی و بالکلیه سکنه وزرا عتدن خالی چو لدر. فقط منزله
وبلغ و تمساح و اجی کول اسمنده درت قطعه جسیم کول اولوب
بونلرک بعضی یلرینک عمقیری دخی درجه مطلوبه ده اولدیغندن
مذکور کوللرک وجودی مصلحتی خیلی تسهیل ایتشد.
مذکور تمساح کولی ایله اقد کزیننده زمیندن اون الی متر
ارتفاعده و تقریباً اوج ساعت امتدادنده برنوع یو مشاق
طاشدن عبارت الجسراسمنده برتبه اولدیغی مثالو تمساح ایله سویس
بیننده دخی طوسون تسمیه اولمش بر مقدار مرتفع زمین وارد.

اشبو جدول بحرینک عرضی الی سکز و عمقی سکز متر اوله جقدر.
سالف الذکر پور سعیددن بدأ ایله حفینه مباشرت اولمش اولغله
نصف مسافنده واقع مذکور تمساح کولنه قدر عرض مطلوبه
واقدر. سطحینده نسبتله ایکی متر عمقنده حفر اولوب یکن سنه
تشرین ثانی اوائلنده دروننه اقد کز صوبی اجرا اولمش و مذکور
الجسرنام تبه نک حفرنده اون ماه متوالیاً اون سکز یک عمه
استخدام قلمشدر.

الیوم تمساح کولی ایله مذکور طوسون نام محل بیننده ایشلوب
سویشه قدر بریکی طرف کی یا لکزیکی متر عمقنده حفر اولندقدن
صکره صو ایچنده طو پراق قازمغه مخصوص دراق تعیر اولتورو اورو
آلتلریله تعقیق اولنه جقدر. اولوجهله بردن بره درجه مطلوبه ده
درین حفر اولنماسی ایکی سببه منی اولوب برنجبسی ال ایله مقدار
مذکور دن زیاده قازلمسند صو چی تعقیق مناسبتله مشکلات ظهور
ایتسی و ایکنجیبسی دخی بر مقدار قازیلوب دروننه صوصایو یلرلیدیکی

حاجده قایق را له هر در او ۴ ممت و اشیا نقلند واسطه اولسی قضیه را بدین
تقریباً بر سینه دنیرو پور سجیددن بدأ ایله در اقلر واسطه سبیل
جدولک تعینند مبادرت اولوب خیلی ایش کوراش ایستده
مقدمه لری قومپانیه نك بهری یکر می او تون بار کیر قوتنده یکر می قدر
دراق اولوب مصحتك حسامنه کوره مقدار مذکور ك عدم
کفایتنه مبنی کج نکرده اور و پادن یکر می قطعه جسمیم دراق دخی
جلب اولمشدر.

جدول بوینده قطعا طاتلو صو او لم دیغندن کرک انشای حفرده
و کرک جدولک ختامندن صکره مقدار کلی طاتلو صو يك لزومی
در کار اولمغله قاهره نك جانب جنوبیستنده واقع ز قازبق ترعد سندن
تل الکبیر نام محله قدر ممت اولان طاتلو صو جدولک نهایتندن
بدأ ایله تمساح کولنه قدر یکر می متر عرضنده و ایکی متر عمقده
اولقی اوزره تقریباً طقوز ساعت طولنده بر جدول کشاد اولمش
و بعده اشبو طاتلو صو قتالی جدول بحرینک مرور ایده جکی
خط ایله متواز یا سوبشه قدر تمدید قلمشدره تمساحدن سوبشه
جریان ایدن اشبو طاتلو صو جدولینک طول تقریباً یکر می ساعت
و عرضا قمری سکر توسط ماسی اون طقوز بحق متر اولوب اسمی دخی
نام نامی حضرت پادشاهی به نسبتله عزیزیه تسمیه اولمشدر.
تمساح جوارنده انشا اولمش بروا پور آتی واسطه سبیل بر هر رفع
حوضه جدولدن طاتلو صو چقار یله رق جدول بحری کنارینه وضع
و تمدید اولمش اولان تیمور پور بارله پور سعیده قدر اجرا قلمشدر.
بو وجهله جدول بحری سرایا اروا اولدقدن بشقه تمساح و سواش
ایله نیل یئنده سیر سفاینه قابل بر قتال حصوله کلمشدر. حتی

فقیر ز قازاق ترعه شدن تمساحه و اوراد ن سویس جوارینه قدر
مذکر و رطاناتو صوقناری و تمساحدن پور سعیده قدر جدول
بحری طریقیه کتدم کرک اشبو جدول بحریده و کرک طاناتو صو
قنارنده خیلی قایق وصال آمد شد ایدوب بونلر روز کار
مساعد اولد یقه یلکن اچرلر ایسده بعض کره اقتضای
ایندیکی حالده هجینلره یدک چکدیریلور قومانیانک جدول
بحریده ابکی قطعه کوچک و پور سفینه سی دخی وار ایسده
براز وقتدنبرو بونلر علمانده اولمشدر.

قنال بوینده دائما اوتوز بیک قدر عمله و سائره بونوب بالخصوص
اورالری کبی ممالک خارده طاناتو صواقدیم لوازم اولدیغندن
مقدملری اقتضا ایدن طاناتو صو دوه لاله محال بعیده دن جلب
و پور سعیده ده دکر صویندن تقطیر و استخراجنه مخصوص جسم
و پور انلری انشا ارنه رق بو یولده کلی مصارف و قوعبولش
ایسده الوم اشبو تکلفات بالکلیه بر طرف اولمشدر و طاناتو
صو جد و لاری حفرینه صویک کتور یله جکی محالردن بدأ
اولنوب ایکبشر ساعتدن عبارت اولان هر بر قسمی ختام بولدیقه
کشاد اولمش و حتی اشبو جد و الکر هر بر قسمه شروع اولمشدر
هر ورایده جکی خطه موازی اوله رق اول امر ده ایل قسمته نهایتنه قدر
درت بش ارشون عرضنده بر کوچک جدول حفر اولنوب درونته
صو صالیویرلش و بو وجهله بیوک جدولده ایشلیان عمله
ایلر و لیکجه دائمیانی باشلرنده استدلری قدر طاناتو صو بولوب
شو کیفیت زیاده موجب سهوات اولمشدر.

اشبوطا تلوصو جداولی بروجه مشروح مقصد اصلی اولان جدول
بحری احتیاجاتی دفع ایتد کدن بشقه سائر کونه فوائد عدیده بی
دخی مستلزم اولمشدر شویله که معلوم اولدیغی اوزره سویش
اون بش بیک نفوسی جامع بر تجارتگاه مهم اولدیغی حالده کرک
دروننده و کرک حواله سنده قطعاً طاتلوصو اولدیغندن اوتهدنبرو
اهالیسی بعضی شوراق صولر ایچمکه مجبور اولوب هندستانه
آمد شد ایدن انگلیز سفائی ایچون دخی مخصوص واپور انلاریله
دکز صویندن مالذید استخراج اولندیغی مثلاً قاهره دن
اورایه تیموریول انشا اولنه لی عساکر و ما مورین ایچون
قاهره دن نیل صوی نقل اولنور ایدی . بو وجهله صویک قلشدن
ویغورک دخی غایت ندرت اوزره نزولدن ناشی اول حوالی بالکلیه
اشجار و نباتاتدن خالیدر . سالف الذکر عزیزیه جدولی ایوم سوتشه
قدر تمدید اولمش اولغله بو کیفیت شهر مذکورک سبب احیاسی
اولوب من بعد اوراده مالذید تدارکنده عسرت چکمد کدن بشقه
زراعت دخی ممکن اوله جغی درکاردر . مسموع عاجزانه مه کوره
قو میانه اشبو جداولدن لزوم بیتیه ایچون اسئلدیکی قدر
صو اخذینه ممانعت ایتمیوب فقط باغچه وترلا اسقا سیچون اجرا
اولنه جق صو ایچون بر مقدار مناسب بدل تعیین ایده جکدر .

اشبو جداولرک مرور ایلدیکی محللر بالکلیه زراعت و اهالیدن خالی
قو ملق صحرای سده طاتلوصو سایه سنده عهد قریبده اراضی
منته حصوله کله جکی مجزو مدر . حتی تمساح جوارنده شمیدن
بعض مزارع و بساتین تشکل ایدوب کچن یاز غایت ایری قارپوزل
یتشدیر لمش و بونک کمال مبدولینه منی اورالده بولسان عمله

و ما مورینی اداره ایتدکدن بشقه جوار بولسان معموره زده دخی
نقل و فروخت اولندیغی منظور فقیر اولمشدر.

تمساحدن پور سعیده قدر تمید اولسان سالف الذکر بور یار
واسطه سیله کونده او جیوز الی متر مکعب طاتالوصوا جرا اولنه جق
اولوب بومقدار انجق مرور ایده جکی مواقع مسکونه ایله پور سعید
اهالیسنک احتیاجات ضروریه سنه و بلکه بعضی اشجار و نباتات
یتشدیرلر سنه و فالیده بیلور ایستده اراضی وسیعه اسقاسنه
کافی اوله میه جخی درکاردر. تمساح کولی ایله پور سعید بیننده الیوم
چولدن عبارت اولان اراضی حالا موجود بعضی خرابات و آثار سائر
دلالته معلوم اولدیغی اوزره از منه قدیمه ده غایت منبت
و معمور محلا راولوب حتی بومقدار قازد قده التندن قابل زراعت سیاه
طوپراق چیقدیغندن بر جدول کشادی تقدیرجه بورلری دهها
از وقت ظرفنده کسب معموریت ایده جکی مجزومدر.

مصر و البسی متوفی سعید پاشا ایله قومپانیه بیننده وقوع بولان
مقاوله وجهله اداره مصریه طرفندن تدارک و اعطا اولسان
یکرمی بیک عمله امور حفریه ده استخدام اولوب بولردن بشقه
قومپانیه نك اون بیک قدر دخی سر بست عمله سی واردر. اولکی
صنفدن اولان عمله قومپانیه مهندس لرینک تعیین و ایرانه ایلدیکی
بومقدار محدود محلی یکرمی اوتوز کونده حفرایدرک قریه زینه رجعت
ایتمکده و در عقب لرلینه بشقه لری کلیمکده در. بولر ما کولا تلرینی
برابر کتور دکلری حالده عود تلرنده قازد قلری محلاک صعوبتنه
کوره کند ولرینه بومقدار مقطوع اجرت و یریاوب فقط
مدت استخدا ملرنده قومپانیه بیکلارندن اطعام اولاندقلری

حالده طعامیه بدلی محسوب ارنوب بو صورتده الرینه جزئی نی
 کسمکده در دیگر سربست عملیه مستوفی اجرت و یریلوب
 بونلرکدخی اکثریسی مصرلی ایسه ده ایچلرنده خیل برالشاملی
 وروم و مالطیز وارد.

(منیف)

(بقیه ی سکره) ۲۵۹

(خلاصه پولیتقیه)

دانیارقه

دانیارقه اوزرینه سوق اولنق اوزره ترتیب اولسان او ستریا
 و پروسیا عساکری دولتین مشارالیهما یئینده مقدهما عقد اولنش
 بره مقاوله عسکریه موجججه و رانقل نام بر پروسیا لوجیزال
 تحت قومانده سنده اوله رق کچن شباط افرنجینک ابتدای
 بازار ایرتسی کونی صباحلین (ایدر) نه رینی عبور ایدرک شازوبق
 دوقه لغنه دخول ایلشله و اولکون دانیارقه لوز ایله بونلر یئینده
 برکو چک محاربه وقوعبولمش ایسه ده دانیارقه لوز استحکام
 ارقه سنده بولندقلرندن عساکر متفقہ رجعتہ مجبور اولوب اشبو
 محاربه ده پروسیا ولی عهد مجروح اولمشدر. بعده وقوعبولان
 محارباتده دانیارقه لوز مقاومت ایدمه ریک اکثریسی منهنما (السن)
 اطه سنه انجا ایلشله و متفقین (فلنسنبورخ) و دیگر بعض
 شهرلی ضبط ایلشله در.